


新疆地理植物考



新疆地理植物攷

總目

新疆建置志

新疆職官表

國朝置有後武營官制表

國朝置有後旗營官制表

國朝置有後蕃部官制表

乾隆以來軍府舊官制表

乾隆以來綠營舊官制表

國朝回部舊官制表

國朝蒙部自置屬官表

準部故國自置屬官表

回部故國自置屬官表

漢唐以來建置職官表

漢唐以來藩國受封官爵表

西域古國自置屬官表

新疆人物志

新疆實業志總叙

農田 蠶桑

森林

新疆地理植物攷目錄終



新疆地理植物攷

新疆建置志

秦強

李文如編



新疆東扞長城北蔽蒙古南連衛藏西倚葱嶺以為固居
神州大陸之脊勢若高屋之建瓴得之則足以屏衛中國
鞏我藩籬不得則闕隴隘其封河湟失其險一舉足而中
原為之動搖是故漢取三十六國以斷匈奴右臂唐開西
安北庭以制諸蕃元胡崛起金山奄取西域滅宋金而有
天下明代控馭弗及瓦剌數寇而河套以亡此皆明效章
驗而論者謬以為天地所以界區域絕內外不可以威服
化理雖得不為益棄不為損斯於形勢不亦闕乎秦以前

尚已自漢以來始開遠跡而匈奴之強弱常與西域之通
塞為終始武帝結烏孫藉大宛田輪臺渠犂置使者校尉
領護山南諸國於是北虜之勢始衰然其時漢獨護南道
猶未盡併北道也及鄭吉為都護治烏壘城兼領北道而
匈奴迺罷僮僕都尉幕南無王庭焉光武中興天下多故
未遑外事山南君長不制於漢裂為五十餘國永平之際
匈奴脅之共寇河西漢迺復置都護長史戊己校尉更治
其地而邊境以寧安帝即位詔罷都護遂棄西域北匈奴
更收屬諸國時為侵寇議者欲閉玉門關以絕之故終漢
之世歲無甯宇魏晉以降中州倣擾鮮卑西部起山北致

強大其支族豪長竊據華夏僭閔位者數百年慕容拓跋宇文

卑族北魏則有蠕蠕悅般高車後周則有突厥鉄勒皆分據

北疆迭長爭雄迄於隋李世為邊患唐興太宗奮其武烈

攘鉄勒平高昌墟薛延陀逐西突厥於伊麗河外悉定西

域之地建北庭都護以鑑北道安西督護以監南道道各

置都督府其屬曰州曰縣州有刺史縣有尉有令其戍邊

之兵大曰軍小曰守捉曰城曰鎮皆有使自都督以下悉

領於大都護故其時邊庭晏然鋒候無警者垂六十餘年

開寶以後唐室中微西垂之地北淪回鶻南入吐蕃沙陀

復起金山而承其敝逮於五季邊禍相屬宋時遼最強盛

二

天山南北悉降於遼元起歛漢盡取塞地山北為阿力麻

里及回鶻五城諸王海都行營治軍之所山南為別八里

諸城置宣慰司元帥府以統之故能力征經營混一區夏

至於有明國威不振盡失瓜州以西地僅扼嘉峪關而守

其後畏兀兒吐魯番諸族更盛迭衰而山北復分為四衛

拉特部雖時一朝貢特示羈縻終不能撫而有也錄是觀

之中國盛則威力足以相制而疆場以安及其衰也舉邊

要而捐之則往往乘中國之敝而天下卒以多事伊古以

來得失之鑒灼若著龜雖有明智弗之能易已洎夫有清

盛時長駕遠馭既奠方夏悉主悉臣惟準噶爾崛強西隅

頁固不服歷康雍乾三朝之間王師載駕戈鋌所指雷徹
霆摧於是一討噶爾丹再俘達瓦齊三殲阿睦爾撒納鯨
鯢是翦納土歸命是為北疆底定之始既而回苗霍集占
兄弟煽眾為亂移師南嚮迭克名城二豎窮蹙授首荒外
是南疆底定之始先準夷再平會廷臣決進止在朝議者
咸以戎索之外古者弗臣得其地不可以耕虜其人不可
以制服而舍之守在四夷於義為便獨大學士傅恆主進
取之策高宗聽之內秉乾斷外排群議乾隆二十四年遂
建總統將軍於伊犁並參贊辦事諸大臣鎮烏之畫烏魯
木齊以東地置設州縣隸於甘肅省爵回準王公台吉世

三

襲各有差復回部札薩克伯克各官分理回務俾鈴束其
眾繇是內外葱嶺大小十餘蕃部若哈薩克布魯特霍罕
安集延瑪爾噶朗那木干塔什干巴達克博洛爾哈爾愛
烏罕即阿痕都斯坦巴勒提等咸效職納貢扶伏稱臣當此
之時拓疆萬里帶甲之士四萬歲入米粟十四萬三千餘
石開屯列戍碁置星羅蓋自漢唐以還未有若斯之盛者
也咸同之際邊備漸弛回匪金相印白彥虎等相繼為亂
安集延苗阿古柏應之盡陷天山南北諸城俄羅斯復入
踞伊犁全疆糜爛朝廷震恐論者謂髮捻初平宜休兵息
民西域阻遠非所宜急尤慮強隣伺釁連兵不解掣動全

局頗多特閉關之議者獨左宗棠力爭不可疏言自古中國邊患西北常劇於東南顧祖禹論方隅形勢視列代達都之地以為輕重我朝定鼎燕京內外蒙部環衛款方前代九邊胥成腹地皆開新疆立軍府之所貽也是故重新疆所以保蒙古保蒙古所以衛京師新疆不固則蒙古不安匪特秦晉各邊時虞侵軼即直北關山將無晏眠之日況今昔勢殊俄人拓境日廣緣邊東西萬餘里與我壤地毘連僅藉蒙部為之扞蔽彼薪宜遠而突宜先臣愚以為地不可棄兵不可止願挈舊有之疆宇還職隸方以為外釁回吾圍疏入報可宗棠遣師出關盡復故所失地乾隆

四年迺建議開行者設郡縣為久遠計時以伊犁未歸不果及安苗再糾眾犯西四城宗棠念非改省治立重鎮無以為長安久治之本六年四月抗疏復申前議未及行而宗棠內召以通政使劉錦棠代之七年伊犁款成俄人反我侵地八年陝甘總督譚鍾麟會錦棠損益宗棠先後所條奏者上之於是行省之議始定以新疆為陝甘總督兼轄省分迺化為省治廢烏魯木齊都統設巡撫駐之置甘肅關外等處布政使以鎮迪道兼按察使銜移伊犁將軍駐惠遠城統治駐防蒙哈旗務置左右翼副都統二領隊大臣四而以塔爾巴哈台參贊兼領右翼使屬焉移烏魯

木齊提督喀什噶爾城並設置道府以下廳州縣各有差
其後巡撫陶模饒應祺各有增置東界甘肅安西州南界
退擺特及克什米爾巴勒提等部東北界阿拉善及喀爾
喀蒙部西北界俄國七河省斜米帕勒庭斯克省提封田
一千一百五十萬一千四百七十六畝民戶四十一萬二
千二百一十家丁二百萬三千九百三十一口同光軍興
北疆被禍最烈其後勞徠拚照離邊稍集然多僑戶土著
什無二三天山南北以氣候風土之不同故饒瘠眾寡之
數因之大異南疆惟新平塔羗壤地荒僻烏什醜土境隙
人民稀少其他各城則既富且庶熙熙稱盛矣今為攷域

五

望之因革種姓之區分推詳方位道里之遠近夷察風俗
純駁生齒息耗以求本末窮變之由參稽聞見蒐而論之
庶得其要刪焉

新疆職官表

新疆開置自漢唐以來未有建置若斯之盛也論謂國家之立軍府百年於茲矣統之以重臣監之以王官禁衛之旅荷戈之卒更戍而居守均之設官也何必郡縣雖然設官所以守土也新疆緣邊七千餘里英俄交壤華離甌脫尺寸不可讓人往者坎巨堤之役二國爭甚其間浦犁之以設官而存帕米爾以未設官而亡郡縣之所繫其重若此嚮使國家當日胥邊徼而變置之縣其地人其人正封域之名画然知有主守俄人雖狡安所得乘吾之隙則額爾齊斯以西納林河以北皆我之舊壤而同光以還之界

六

約皆可以不作古人有言挈竈之智守不假器况於疆場之大事乎今朝廷眷靡西陲且有改設總督之議將以保新疆者保蒙古保蒙古者保京師而溯其端則自變軍府為郡縣始故著其興革令後世得覽使知事勢雖殊要之以守土為本

國朝置省後武營官制表

新疆初建行省內教外安既罷番戍換防之制編定籍伍
用承衛邊疆始移烏魯木齊提督駐喀什噶爾天山南北
並設三鎮七協二十九營凡參游之屬二十四都守之屬
六十五千把之屬三百七十三而軍標撫標營員尚不在
列其衆建周備若此往者西北邊儲專仰給於協嚮庚子
以後饑需不繼於是度地形扼塞量營汛之可裁者省併
游擊以下五十餘員丁戍之際復變通舊章改編防營節
其饒稽以養新練陸軍蓋開省迄今三十餘年營伍之制
凡三嬗矣今國家作新成政各省標營略已裁汰無遺惟

七

新疆以邊要故什存四五異日新軍訓練推及國防其規
制之變更又有可得而見者爰攷其本始以明其蛻化之
由籌邊守者庶鏡觀焉

國朝置省後旗營官制表

新疆初立軍府八旗勁旅星拱雲屯朝廷常簡親貴重臣
使鎮撫之而參贊辦事領隊大臣兼將軍節制類能宣揚
威德嘉惠遠人故政令齊壹邊境以安嘉道中葉國家承
平既久簡用邊臣多宗室侍衛與左遷之滿員習於驕泰
利疆域遼遠耳目所不及得擅用威福顯已而自恣及歛
怨既盈亂人遽起諸大臣坐擁專城位均望等懷私猜沮
莫相援翼一旦禍發則釜糜魚爛不可復全此中興以來
所以更併省置亦勢之不得不然者也伊塔蜜通俄疆同
為北庭屏蔽羯羗雜處控馭綦難惠遠九城舊為將軍建

牙之所塔城與為犄角滿營官制遂沿不改古城外界蒙
古居南北之衝故遷迪化駐防築滿城於此仿甘肅莊浪
廳制設城守尉以資鈴束蓋萬里戎索不可不嚴重設防
削之所以安其人存之所以鞏其勢一因一革之間有相
為維繫者焉爰攷其規制係而論之以見後雖陵夷哀微
要非無與於經也馭邊之義云

國朝置省後蕃部官制表

我朝初定回疆優禮藩屬準班爵之制而援之封地世奉
官守因其政不改其俗仁至洽義至贍也其後王人失職
伯克擅權天子之監守建空名於上漸不能制民有違心
卒成安夷之禍中央以來朝廷鑒於往轍盡奪舊封采地
收其政柄更所有而代之蕃部之削自此始務在安邊甯
人式遏萌蘖俾不至大肆於民保全其封爵以無傷國家
覆翼之仁而已哈密論戰守功晉秩親王比於諸蕃有大
勳於國自設郡縣後列蕃貢地咸納諸縣官惟哈密采邑
獨完有民數千戶供其賦役王聽而治之故諸從官屬得

九

自理其民事其他蕃部僅備朝班守虛位所屬長史護衛
典儀各官則猶循故事得置設焉若夫蒙哈諸蕃多仍舊
制不具論而論其可見者如此


乾隆以來軍府舊官制表

我朝底定西域建候行師立軍府於伊犁其建置規模考
之前史大底於唐為近天山南北分道駐防者則有辦事
領隊諸大臣猶唐之有諸軍鎮使及諸督都府也辦事領
隊之在北疆者領於烏魯木齊都統其在南疆者領於喀
什噶爾參贊大臣猶唐之有安西北庭兩大都護也伊犁
將軍總統南北軍政自都統參贊以下並受節制體尊而
權重有唐方鎮惟安西四鎮節度使差與比崇新唐書官
志云正節度使常以諸王選領之大都護猶為副使開元
末以高仙芝為安西都護兼四鎮知兵馬使蓋以副使行

十

節度事則未若我朝特簡重臣總司疆寄為得馭邊之要
耳唐平高昌伊吾遂縣交河金滿諸城我則盡迪化以東
開置州縣而分治之唐封蕃部軍長以為本州刺史我則
選授阿奇木伯克諸官屬使守其土而治其人述其經營
締造之規合揆同符者蓋什而八九焉嗚呼有唐之制固
軍府之制也軍府者易立而難久故天寶以後唐室中微
而西域以亡我朝自道咸以來一亂於張格爾再亂於阿
古柏幾蹈唐代之覆轍然而卒以長保者豈非祖宗之創
垂能為其可繼而中興將帥匡危戡難之功為不可沒哉
夫前事之不忘後事之事師也君子觀於唐之掩撫西域

識其所以存亡之故而軍府得失之鑒備矣



乾隆以來綠營舊官制表

中國經營西域自漢唐以來大抵奮揚武烈克奏膚功故
戍塞防秋垂為定制我朝繕固邊圉初沿明代靖逆安西
諸衛之舊以涼鞏肅門戶及準部蕩平始移安西提督於
巴里坤厥後全疆耆定復移駐烏魯木齊居中策應以壯
南北之聲援而以巴里坤為後路並伊犁喀什噶爾置三
總兵以資重固其協將以下星列碁置各有制額所以課
總牧之政通郵驛之使以衛行旅以給繇役胥於是賴焉
論者徒見於今日綠營之弊羸師糜財引以為大惑豈知
在昔承平之時官兵列戍間屯有永駐以安室家有番戍

十三

以均勞逸所為備征繕而扞牧圉者其制固整齊嚴肅如
此也爰攷論其朔而撮其大凡庶幾見盛觀衰無忘國家
經武馭邊之志云

國朝回部舊官制表

國朝征撫西域方略互殊大抵規勢因時而為之制準人
肆逆世濟其凶故巨孽既平而寧柔昂吉諸官芟夷蓋崇
世俾遺孽回部則自和卓授首不煩兵甲酋長伯克或望
風款附或效力戎行於是因而置之仍其官號而釐以中
朝之品秩其設官初無定員在度城邑之廣狹民事之繁
簡而其額其詔祿則有采地以代廩有佃人以代耕各視
品位之崇庠以為之等差案舊制三品伯克給以二百帕
瑪籽特種地畝地種人百名四品百五十畝人五十名五
品百畝人三十名六品五十畝人十五名七品三十畝人

十三

八名其蜜喇布伯克原有例分地畝不另撥給止給種地
人五名伊犁新調回戶所置伯克官屬其制祿亦如之其
考察黜陟之柄則統於辦事大臣而毋或不率以奸其政
蓋通變宜民之方獨異於回部者如此嘉道中葉邊臣黷
貨怙權瀕用威福假手阿奇木伯克厚斂於民以肆者其
亡等之桀而欲黜之徒乃得陰持其柄遮隔上下之交藉
供張為名恣意殊求民知怨官伯克嚮所資以通官民之
情者卒乃大為官民之梗豈犬羊之性固不可以負乘歟
毋以居上之人實導之使至於此也夫伯克之職有類於
古之鄉官回疆鞅鞞之化侏儒之俗傳導督責非其人莫

使自改設行有以來廢伯克而用鄉約流品益卑叢為弊
藪益不能止則曷若舉而復之復之而選任得其人斯佐
治得其理矣或曰如無人何必也敬教勸學養其廉恥以
興其能賢使礪砥於文化之途而後舉而復之則庶乎其
可也

國朝蒙部自置屬官表

西域衛拉特部當乾隆初年綽羅斯若和碩特若輝特皆以罪除杜爾伯特則移牧阿爾泰山北境土爾扈特自明季時已遠徙俄屬之瑪努托海故天山界內無蒙人牧地厥後主土爾扈特汗烏巴錫率其部人越境來歸分為新舊二部在新疆者為舊部設十札薩克各有封地而和碩特之裔曰公格者隨烏巴錫內附並設四札薩克授牧於勒斯都河岸天山南北之有蒙部自茲始也自是以來肆覲同會比於列蕃頗得署官置屬以掌理盟務今列其台吉以下叙次為表俾司典屬者有所攷焉